

# ESPERANTO

## TRIUMFANTA

Publikigilo de multaj gravaj esperantistaj organizaĵoj.

Aperas semajne. — Senpagaj monataj aldonoj: „Internacia Komercio“ kaj „Revuo“ (literatura, popolscienca).

Protektantoj:

D-o Leono Zamenhof, Warszawa  
W.M. Page, advokato, Edinburĝo  
Ernest Archdeacon, Paris  
J. Gilli Norda, komercisto,  
Barcelona

H. Fischer, grandindustriisto,  
Bucureŝti  
Frans Schoofs, Antwerpen  
P. v. Medem, bank-kaj fabrikk-  
direktoro, Kaunas.

**N-o 200**  
13. 7. 1924

Redakcio:

Cefredaktoro: Teo Jung.  
Redaktoro: Robert Kreuz.  
Redakciaj kunlaborantoj:  
H. Jung kaj M. Butin, L. K.

Administracio:

Horrem b. Köln, Germanlando

Abonprezo

po numero egalvaloro de 0,06 dolaro  
aŭ 0,20 sv. fk. por landoj, kies valuto  
sufertas maksimume 50%; por ĉiuj aliaj  
landoj 0,06 dol. aŭ 0,25 sv. fk.

Anonprezo

po kvadrat-centimetro egalvaloro de  
0,20 sv. fk. (ĉe antaŭa pago 0,15 sv. fk.),  
ĉu „Internacia Komercio“ la duoblo.

Antwerpen, Barcelona, Bucureŝti, Edinburĝo, Horrem, Kaunas, Paris, Warszawa

## Esperanto en la Rumana Senato. La plej granda kunveno de negroj en la mondo.

### Nia 200-a numero.

La hodiaŭa numero estis destinita fariĝi dua speciala numero pri la

### XVI-a Universala Kongreso en Wien.

Pro tio ni rezignis atentigi per speciala arango pri la jubilea karaktero de la numero.

Bedaŭrinde la promesita materialo ĝis la presado de tiu ĉi numero ne alvenis de Wien. Sekve, la numero 200 ne povas aperi en iu speciala arango, sed nur kiel ordinara numero.

Tamen, per kelkaj vortoj ni volas atentigi pri la jubilea karaktero de la hodiaŭa numero.

Jam en nia 100-a numero ni rimarkigis, ke la legantoj akceptas ET jam kiel ion memkompreneblan. Hodiaŭ la regula aperado de ET fariĝis al la legantoj io ankoraŭ pli memkomprenebla. Tio estas signo de konfido sed ankaŭ de ioma indifereco. Jes, la plimulto de la legantoj de ET kontentigas regule ricevadi kaj legadi la ĵurnalon, sed ne plu aktive partoprenas je ĝia disvastigo. Kun bedaŭro ni konstatas ke, kompare kun nia statistiko en la 100-a numero, la nombro de la pagantaj abonantoj restis proksimume egala. Estas vere, ke la ĝenerala kvalito de la abonantoj ankoraŭ pliboniĝis; tamen oni rajtus kredi, ke en la daŭro de preskaŭ du jaroj la abonantaro povus kreski je minimume mil, se la legantoj montrus ion pli da aktiveco por sia „semajno“.

Ni esperas, ke tiuj ĉi linioj efikos pliakтивiĝon de niaj legantoj, por ke en nia 300-a numero ni povu sciigi pli bonan rezulton.

Antaŭen al la Tricenta!

Teo Jung.

### Parolado pri Esperanto en la Rumana Senato.

La rumana parlamento nun pritraktas la reformon de la instruado, kaj ni ĝoje sciigas, ke eminenta senatano s-o ing. Ernesto Balas (nacia malplimulto) bone uzis la okazon kaj la 7 junio dum la posttagmeza kunsido faris la jenan menciadon pri la internacia lingvo:

„En la ŝtatoj en Orienta Eŭropo estas tre grava afero la demando pri lingvo. La loĝantaro de la okcidentaj ŝtatoj plejparte bezonas nur la gepatran lingvon, kaj malgranda estas la parto, kiu krom la gepatra lernas unu aŭ du fremdajn lingvojn, por povi trairi la tutan mondon.

Ce ni, krom la gepatra lingvo oni devas lerni unu lingvon pli ol en la okcidentaj ŝtatoj. Krome, la hungaro, sakso, ruso, bulgario, turko devas nepre ellerni la ŝtatan lingvon en sia propra intereso. Kaj se iu volus senpere interrilati kun ĉiuj nacioj de Rumanujo, tiu devus lerni ĉies lingvojn, do multe pli multajn ol okcidente. La lernado de multaj lingvoj bezonas multan tempon, dum kiu oni estas malhelpata en la studado de aliaj objektoj necesaj.

Sekve necesas fiksi kun multa zorgo, en kiu lernejo kaj per kiu lingvo oni instruu, kaj ebligi ĉiumaniere, ke tiun lingvon oni lernu tute kaj devige.

Ĉi-loke mi devas mencii la lingvon Esperanto, konsideratan kaj fervore instituitan en la okcidentaj kaj nordaj ŝtatoj, en Svislando, Italujo, Germanujo, Ĉeĥoslovakio, Finlando ktp., ĉe en Azio, Usono kaj Aŭstralio. Kaj je la fronto de la orient-eŭropaj ŝtatoj estas Bulgario, kie oni prave pensas, ke la malpli konataj balkanaj ŝtatoj povas

tre facile havigi al si tutmondajn kunligojn pere de Esperanto.

La graveco de la lingvo Esperanto rekonis ĉe ni s-o Romulus Voinescu, ĝenerala direktoro de la Polico kaj Ŝtata Sekureco, enkondukinte Esperanton kiel devigan objekton en la Polico-oficiran Lernejon. La graveco de tiu ĉi lingvo konstante pligrandiĝas en la mondkomercio, ĉe specimenoj, ĉe la poŝto, radio-telefono ktp.“

### Solena malfermo

de „Zamenhofa Esperanto Societo“ en la naskiĝurbo de la majstro Bjalystok.

Salutparoladoj de la reprezentantoj de la registaro kaj urbestro.

La 8 junio n. j. en la salono de la urbestro okazis la solena malfermo de „Zamenhofa Esperanto Societo en Bjalystok“. Ĉeestis ĉirkaŭ 100 personoj, inter kiuj dekelkaj reprezentantoj de regnaj kaj publikaj oficejoj. La solenaĵo komenciĝis per jena parolado de la prezidanto de la Societo s-o J. Ŝapiro:

„La 2 junio 1887 aperis la unua lernolibro de la lingvo Esperanto kaj nur hodiaŭ, la 8 junio 1924, la okan jaron de la ekzistado de lingvo internacia Esperanto, mi havas la honoron malfermi en la naskurbo de ĝia kreinto la unuan Esperantan Societon. Dum la lingvo de Zamenhof laŭtraŭdiga jam de multaj jaroj en ĉiuj anguloj de la terglobo, prezentante al la homaro netaksablajn servojn, kiel ideala interkomprenigilo internacia, en Bjalystok nur nun fondiĝis la unua Societo por propagando de tiu lingvo. Tio pruvas bedaŭrinde la verecon de malnova latina proverbo: „Nemo propheta in patria sua.“ — (Neniu estas profeto en sia patrolando.)

Por parte senkulpigi nian socion ni devas tamen konstati, ke tre grandan kulpon en la malsukceso de esperanta movado en Polujo havas la rusa cara registaro, kiu preskaŭ tute malkaŝe persekutis Esperanton kaj esperantistojn pro la kulturklerigaj celoj de nia movado.

Sed nun, kiam nenio malhelpas la disvastigon en Polujo de la helpa lingvo internacia Esperanto, Polujo, kaj antaŭ ĉio Bjalystok, devas okupi ŝtatindan lokon en la esperanta movado. Ni estas certaj, ke bjalystoka socio favore rilatos al la novfondita Societo kaj kun devizo: „Lingvo gepatra por internaj, lingvo internacia por internaciaj rilatoj“, ni komencas nian laboron.“

Poste parolis la anstataŭanto de Bjalystoka Vojevodo (guberniestro kaj senpera reprezentanto de la centra registaro) s-o departamentestro D-o Kikiewicz. Li salutis en la nomo de la vojevodo la Societon, kiu disvastigante la internacian helpalingvon Esperanto helpas la fratecon de popoloj. En sia propra nomo li esprimis sian grandan estimon por la kreinto de Esperanto — ĝeneralo Zamenhof, filo de Bjalystok.

En la nomo de la urbestro de Bjalystok parolis s-o A. Dryl, gratulante la Societon kaj dezirante al ĝi fruktoplendan laboron kaj pluan disvolvigon de la internacia lingvo.

Poste s-o advokato J. Litaŭer el Warszawa faris unuhoran prelegon pri D-o Zamenhof, citante multfoje la de li en polan lingvon tradukitan „Vivon de Zamenhof“ de Privat.

Loka gazetaro tre favore kaj detale raportis pri la solenaĵo. En la Societo nun funkcias kurso kun ok personoj sub gvido de s-o J. Ŝapiro, dua kurso estas en preparo.

Oni devas rimarki, ke Zamenhof Esp. S-to siatempe jam komencis sian agadon. Nun la Societo estas oficiale registrita kaj eĉ havas rajton malfermi siajn filiojn en la tuta Bjalystoka Vojevodregiono (15 distriktoj).

### 5. Kongreso de Pola Esperantista Asocio Warszawa 6-8 septembro.

La 6-8 septembro okazos en Warszawa la 5. Kongreso de Pola Esperantista Asocio. Detaloj sekvos ankoraŭ.

### Internacia Kongreso de Universitataj Studentoj.

La 4 septembro de la kuranta jaro komenciĝos en nia pola ĉefurbo Warszawa Internacia Kongreso de Universitataj Studentoj. Estus tre dezirinde, ke ĉiulandaj studentoj-esperantistoj multnombro partoprenu ĝin kaj jam nun postulu arangon de speciala Esperanto-kunveno dum la kongreso.

La kongreso estos bonega tereno por efika Esperanto-propagando, tial ĉiu, kiu nur povas, enskribiĝu tuj, menciu en la aliĝilo, ke li deziras partopreni fakan kunsidon de Esperanto kaj bonvolu sciigi ankaŭ nian Asocieton „Pola Esperantista Asocio“, adr. Warszawa, str. Krolewska 19, pri sia aliĝo.

Pri kondiĉoj de aliĝo al la kongreso informas la naciaj studentaj organizaĵoj.

### Promocio de eminenta protektanto de Esperanto.

Jus venis la sciigo el Turkujo, ke s-o direktoro Salvet Bej, varma amiko kaj protektanto de Esperanto, estas nomita ĝenerala inspektoro de l' Publika Instruado. Transsendante al s-o Ĝenerala Inspektoro niajn sincerajn gratulojn, ni esprimas nian esperon, ke s-o Salvet Bej ankaŭ en la estonteco donos sian altvaloran apogon al Esp.

(Societoj aŭ unuopaj esp-istoj dezirantaj sendi apartan gratulan leteron, adresu al: s-o Salvet Bej, ĝenerala inspektoro de l' Publika Instruado, Grand' rue de Chichli, 225, Pera-Pankaliti, Konstantinoplo, Turkujo.)

### La Deksesa. Al Wien!

La esperantistoj en la tuta mondo jam preparas sin por la vojaĝo al la kongreso de Wien, kiu espereble fariĝos la plej granda demostro por Esperanto ĝis nun okazinta. La jam publikigita ampleksa programo almenaŭ antaŭvidas grandegan partoprenadon.

Kiel kutime ni ricevis diversajn alvokojn kun

invito

al la diversaj urboj sur la vojo de l' kongreso. Pro manko de loko ni ne povas enpresii ilin. Ĉiuj ja ankaŭ ripetis la samon: Nia urbo estas la plej bela pro tiu kaj tiu motivoj. La sperto montris, ke nenio igas pli forta kaj pli impulsiga nian movadon ol persona konatiĝo. Ni do varme rekomendas al niaj amikoj: Sekvu la diversajn invitojn, se vi el povos plenumi la dezirojn de la invitintoj! Vi estos ĉie kore akceptataj kaj antaŭ aŭ post la kongreso havos bonan distraĵon en rondo de agraba samideanaro. Iru do survoje

al Graz

kie atendas vin afabia kaj gastama samideanaro. Sciigu vian alvenon al Esperanto Societo por Stirio, Graz, Schönaugasse 6. Restadu en

Salzburg

se via vojo kondukas vin tra tiu ĉi urbo. Avizu



vian viziton al la prezidanto de Salzburga Esperanto Grupo, s-o R. Grössinger, Elisabethstr. 17.

Se vi venos el nordorientaj landoj kaj el Polujo, haltu nepre en

**Warszawa.**

Volonte akceptos vin Pola Esperantista Asocio, Królewska 19, Warszawa.

Alveturonte el okcidentaj landoj tra Svislando ne forgesu la samideanojn de

**Zürich**

kie parolemaj kaj gvidemaj samcelanoj estas je via dispono. Skribu pri via vizito al Esperanto Societo de Zürich, s-o Karl Jost, Culmannstr. 57, Zürich 6.

Ne laste, uzu vian vojon, se via tempo tiam ebligas, por viziti aliajn samideanojn en survojoj urboj. La persona interkonatiĝo grave akcelas nian grandan kunlaboradon.

**Mezeŭropa trafikoficejo en Berlin.**

(Mittel-europäisches Reisebüro in Berlin.)

Sub tiu nomo ekzistas depost multaj jaroj trafika entrepreno, granda, atentinda kaj famekonata en tuta Eŭropo. Ĝi havas tre multe da filioj kaj suboficejoj en ĉiu eŭropa lando. La centro kaj ĉefoficejo troviĝas en Berlino W. 9, Potsdamer Bahnhof. Krom tio ekzistas en Berlino mem 20 suboficejoj.

La celo de tiu grava entrepreno estas ĝenerale: plifaciligado de ĉiu ajn trafika afero, de ĉiu ajn vojaĝo, ĉu per fervojo, ĉu per ŝipo, helpado kaj subtenado de ĉiu ajn vojaĝanto. Ĝi efektive agas tian celon per prizorgo de bileto por fervojo aŭ ŝipo, per prizorgo de hoteloj, de sidlokoj, de pasportoj, de pakajekspezo, de pakaja asekuro ktp. Ĝi donas senkoste (nur kontraŭ respondkuponon) ĉiun informon petitan pri vojaĝo. Estas tute egale, ĉu la hotelo estas en Germanujo aŭ en alia lando de Eŭropo, ĉu la pakajo estas ekspedita al Germanujo aŭ al alia lando en Eŭropo. Fervojajn biletojn (kajeretojn) ĝi alsendas laŭ mendo por vojaĝo de Italujo al Germanujo resp. tra Germanujo al iu lando norda, skandinava, aŭ de Britujo al Konstantinopolo, ktp., resume de nordo al sudo, de okcidento al oriento de Eŭropo. Menciinda kaj memorinda ĉefafero estas, ke ĉiuj prezoj, ĉu pri hoteloj ĉu pri fervoj- resp. ŝipbiletoj estas originalaj, t.e. la mendinto ne estas devigata krompagi pli ol nur la sendkostojn de afranko. La „Mittel-europäisches Reisebüro“ (mallonge nomata MER) interrilatas kun ĉiu eŭropa ŝip- kaj fervojentrepreno, ĉu ŝtata ĉu privata.

Por fervojaj vojaĝoj ĝi vendas oficialajn kajeretojn valorantaj 60 tagojn depost la surŝtampita tago. Tiu kajereto entenas diversajn bileto-slipojn oficialajn por la tuta vojaĝo. Ĉiu vojaĝo estas kunmetata laŭ plaĉo de mendinto. La MER alsendas kajereton al la vojaĝanto unu semajnon antaŭ lia ekveturo, pli frue nur laŭ postulo. Malgraŭ sia famekonateco eŭropa la MER bedaŭrinde ne jam uzas Esperanton.

Gesamideanoj! Montru la vivantecon de nia lingvo al la dirita entrepreno per informpeto pri vojaĝoj intencataj de vi. Tio povos grave helpi al la enkonduko de Esperanto en tiu ĉi entrepreno. Precipe la venonta mondkongreso en Vien estos bona okazo por tio. Eksterlandaj gesamideanoj veturantaj al la XVI-a tra Germanujo kaj ankaŭ ĉiu alia samideano vojaĝanta skribu esperantan informpeton al tiu MER (adreson vidu supre) pri vojaĝkostoj kaj la plej bonaj resp. plej oportunaj fervojo-linioj de sia ekveturloko al la vojaĝcelo kaj promesu aĉeti la vojaĝkajereton per tiu MER. La gajno de tiu entrepreno por Esperanto alportus al nia movado grandan sukceson, ĉar post certa tempo troviĝus sur ĉiu kajereto (krom en germana, angla, franca kaj aliaj lingvoj) ankaŭ esperanta teksto. Bona, senkostaj kaj multaltentota propagandilo! Ankaŭ germanoj povas uzi kaj mendi tiun kajereton, se la tuta vojaĝo estas longa minimume 600 kilometrojn. Sekvu la peton kaj supersutu la MER per informpetoj pri viaj vojaĝdeziroj.

Max Blankenheim, ĉefdelegito de UEA, teritorio Berlino.

**Favoraj rabatoj en Ĉeĥoslovakio.**

Ĉeĥoslovaka ministerio por eksterlandaj aferoj disponigis je instigo de la komerca ministerio kaj peto de la Ĉs. Esperanta Instituto per decido de la 16. VI. 1924 n-o 93955/24-V/insp al la kongresanoj, traveturantaj Ĉeĥoslovakion al Vien, 50% rabaton je simpla traveturvizo, valora por restado en CSR kaj ankaŭ por reveno.

Ĉeĥoslovaka Esperanta Instituto Praha prez Pitlik.

**Interfoira Komisiono.**

Pro kaŭzoj, pri kiuj mi raportis en Vien, — bedaŭrinde ne estas eble, okazigi oficialan konferencan de nia Interfoira Komisiono dum la kongrestagoj.

Mi urĝe invitas ĉiujn reprezentantojn de foiroj, partopreni la unuan faktkunsendon por komercistoj, por ke ni dum ĝi povu decidi pri aranĝo de neoficiala konferenco kaj pri la daŭrigo de nia laboro.

D-o Dietterle, prezidanto, Leipzig.

**Tabakkontraŭuloj.**

Sekve de nia alvoko, aranĝi fakan kunvenon de tabakkontraŭuloj esperantaj dum tuta monda Esperanto-kongreso en Vien, jam alvenis multaj konsentoj el la plej diversaj landoj. Precizan daton (tago, horo, ejo) de tiu ĉi fakksendo ni ankoraŭ ĝustatempe anoncis en „Esperanto Triumfonta“. Intertempe pluaj proponoj, konsiloj, aliĝoj, sciigo de adresoj kaj ankaŭ monpagoj por elspezoj [ekzemple ni eldonos por la kongreso esperantlingvan flugfoliojon] estas urĝe petataj.

Kelkaj samideanoj ankaŭ proponis fondon de „Esperantista Tabakkontraŭula Asocio“ (ETKA), kiu fariĝus necesa ligilo de esperantlingvaj tabakkontraŭuloj. Tiu ĉi asocio havos duoblan celon: unuflanke ĝi utilos al la kontraŭtabaka movado per kunigo de samideanoj el la plej diversaj landoj kaj lingvoj kaj per reciproka sciigo de progresoj, konsiloj, ŝanĝo de proponoj ktp., aliflanke tiu ĉi asocio komunikos la tiel humanajn kaj noblajn celojn de kontraŭtabaka movado kaj la diversspecajn malutilojn de fumado al la esperantistaro jam ideale sentanta kaj pruvos la necesecon de mondheplingvo Esperanto.

Kompreneble ETKA aliĝas la „Internationale Anti-Tabak-Liga“ en Dresden, Köbnhavn kaj al UEA.

Informojn pri tabakkontraŭula movado volonte donas kaj rilatajn flugfoliojn kaj literaturajojn diverslingvajn petas

Ligo de Aŭstria Tabakkontraŭuloj, grupo Wien-Wien I. Kleeblattgasse 7/II, Aŭstrujo.

D-o Hloucha.

**Ĉu propagandistoj?**

Estas la rajto de ĉiu esperantisto havi krom Esperanto aliajn okupojn idealajn aŭ materialajn. Do, esperantisto povas esti ano, ekzemple, de pacifismo, vegetarismo, abstina movado, sava armeo, vestajreformo, nudkulturo ktp. Sed antaŭ la publiko ni devas zorgi, ke Esperanto ne estu identigata kun iu el tiuj aliaj movadoj. Esperantisto, kiu aperas antaŭ la publiko de la hodiaŭa civilizacio en stranga kostumo nekongforma al la

Estis du okazintaĵoj en la historio de Atlantiso, kiam la glaciamaso dezertiĝis la nordajn regionojn. La unua okazis ĉirkaŭ 500000 jaroj antaŭe

Haeckel asertis en sia verko: „The Pedigree of Man“, ke la ekzisto de Lemurio en ia epoko de la tera historio estas vera fakto.

Se ni akceptas tion kaj rigardas tiun nombron da jaroj, pripensante, ke longtempe antaŭ la lemurianoj jam vivis homoj sur tero, tiam la aĝo de kranio de miliono da jaroj ne povas doni al ni materialon por diveni la aĝon de homaro, kiu estas bilionoj da jaroj.

Se ni ankaŭ akceptas, ke la suda parto de Sudameriko apartenis al insulo en tempo de Lemurio, estas kompreneble, ke en Patagonio oni povas trovi restaĵojn de lemurianoj, kiuj ankaŭ troviĝas en Sud-Afriko, la suda Hindujo, Aŭstralio, aŭ en la nederlanda insularo.

Pli bone estos, diri ke la homa genio estas tiel aĝa kiel la tero, ĉar ni ne devas pensi, ke la homa korpo en tiuj fruaj periodoj de la tero estis konstruita el la sama materio kiel la posia. La lemurianoj apartenis al la tria radkraso de la homaro. Kian aĝon havas la unuaj homoj de la unua radkraso?

For-estas la ideo, akceptita de la scienco, ke la homo disvolviĝis el besto, ĉar tiutempe ne estis sciencie dividiginta besto sur tero. Paŝo post paŝo la sunfeco alproksimiĝis al la teozofia instruo, ke la homo ne evoluiĝis el besto sur tero.

P. W. van den Broek, Leiden (antaŭe en Grisee, Javo).

**Ĝemoj**

eligitaj de kunlaborantoj kontraŭ la redaktoro, pro vane senditaj artikoloj al ET dum ĝia 200-numa periodo.

La malklera (kun gesto de malesimo): Jen oni vidas, ke li nek havas komprenon, nek povas percepti la humoron kaj aristokratecon de miaj paroloj.

La enviemulo (ĉu legante ET): Amasoda malsaĝaĵo, sensenciga, kiel eniaperuĝis mia laboroj. Mi konfesos: mi ne estas granda genio, sed certe miaj verkitaĵoj estas pli bonaj ol la ĉi tie publikigita.

La malfidemulo (ekkapita de dubo): Mi vetas mian kapon, ke tiu mallaborema redaktoro forjetis mian artikolon, nelegite ĝin.

La kaligrafisto: Malgraŭ ĝi estis kaligrafita, oni ne enprenis mian artikolon.

La grumblemulo: Estas senutile, ne ekzistas sincereco. Ankaŭ li havas siajn emojn, kiujn li favoras je la domago de ĉiuj aliaj.

La prudentulo (bedaŭrinde ekzistas iro malmaltaj): Pacience! Mi klopodos proksiman fojon verki pli bone.

La opimistoj: Ne ekzistas duboj! Mia artikolo ne atingis la redakcion. Versajne, malantaŭ mi skribis malsanigan adreson.

La filozofoj: Entute, kiu profiatis, estas la poŝto, vendante unu poŝtmarkon pli.

La bezonemulo (kaj ne ekzistas malmulte): Mi bedaŭrindulo jam faris ŝuldojn je mia esperita honorario. (Ni admonas ne fari tion. — Red.)

Joh. Bernhard, München.

Kolektu fendojn por radio-propagando. Esperanto sole povas esti la radio-lingvo.

**Kristalbutona Mandarenaro.**

Dum la lasta septembro interrenkontiĝis en Warszawa intelekta eminentularo da filozofoj, fiziologoj kaj psikologoj, kiuj, kvankam ili ne estis devenaj el la „Ciela Imperio“, tamen imitis la mandarenan ruzeman formalismon. Kunvenite por ekzameni iajn fenomenojn, principoj kaj leĝojn apartenantajn al la okultaj sciencoj, tiuj ĉi majstroj pri metapsikismo havis la strangan ideon senvalugii sian animstemon per iu deklaracio jene tekstanta, kiu estis unu-voĉe balotakceptita:

„La dua Internacia Kongreso por la Psikaj Esploradoj protestas kontraŭ la konfuzo, kiun oni ĉiutage kaj ĉiulande faras inter la spiritalismo kaj la psika scienco...“

Denove asertas la pozitivajn kaj eksperimentajn karakterojn de la psika scienco sendepende de ĉiu ajn morala aŭ religia doktrino.

Pri tio reĝistigo estas nepre necesa: la esplora studa spiritalismo, kiun oni ne devas konfuzi kun tiu kvazaŭa „amaza fiziko“, kiu utilas kiel distriklo kaj tempopasigilo dum la vintroj vesperoj, havas nek pastrojn, nek kulton, nek ritojn; ĝi do ne estas konglomerato da religiaĵoj, kiel ŝajnas alude duondiri la kongresanoj. Sed tute kontraŭe al la bruenta protestoj de la kongreso de Warszawa kaj malgraŭ la diroj kaj faroj de la protestintoj, psikismo, metapsikismo kaj spiritalismo estas ĉiam, en la opinio de la publiko, kiu juĝas nur laŭ la faktoj, neapartigeble interligitaj dum la felico same kiel dum la malfelicio. Ĉar ilia baza komenca punkto, ĉar iliaj esplori-procedoj, ĉar ilia celado estas tute samaj, ĉar ĉiuj tri pristudas ian homan konstantan principon kaj ties aperigojn, ĉu en ĝia estanteco, ĉu en ĝia pli malpli proksima estanteco, estas neeble, ke la popolo komuna saĝo ne kunigu ĉiun en la sama ideo pri kunfateco. La sola afero, kiun la scivola ĉestantaro klare distingas sur la senluma ĉiutaga, estas la malsimilito de procedo de la grupoj, kiuj laŭiras ĝin: la spiritalistoj sendornigas la vojon, dum la psikistoj tiime postiras lin, kalkulante la paŝojn. Se la rolo de pioniro postulas kun ĝojo kaj persistecon, la spiritalistoj certe malvarez plenumis ĝin: antaŭ ĉiuj aliaj, ili pruvis per al eksperimento, sola fonto de vero, la ekziston de iu nemateria elemento en la materio, kiu per tio ĉi fariĝas pensokapabla estaĵo.

Antaŭ ĉiuj aliaj la spiritalistoj eltrovis la ekziston de fluantaj fluoj, kiujn ricevas aŭ eligas la homa organismo; kaj rimarku, ke Branly, la famega eltrovinto de la senfanda telegrafio, fizikisto kaj kuracisto de la mensaj malsanoj, rigardas kiel similan al la nervojn kaj la elektrajn ondojn, tiel maniere antaŭnovecente la baldaŭn koniĝon pri la psikaj ondoj.

Antaŭ ĉiuj aliaj la spiritalistoj konversonaciis kun fantomoj, kiujn la metapsikistoj, ne povante nei ilin, provas kasi sub la nomo „ektoplasmoj“.

Ankaŭ la spiritalistoj estis la unuaj, kiuj malkonstatis, ke la cerba organo estas kranio de penso: kaj oni vidis tiun viktimojn de la granda milito, kiuj, kun rompita kranio, kun kaĝita cerbo, tamen nenion perdis el siaj movaj kaj sentaj kapabloj kaj reakiris, post kelkaj monatoj da malbona funkciado, la pensajn kaj rezonajn kapablojn. Ĉu oni devas miri tiuokaze, se la Bergsona filozofio malaltigas tiun ĉi organon ĝis la rango de nura revokilo de memorarajtoj kaj bildoj kolektitaj de niaj kvin sentorganoj, kaj se la pozitivista filozofio Auguste Comte iam eldiris la jenan konsternegantan aforsimon: „La vivantojn regas la mortintoj“?

Ĝi estas la teorio de Einstein pri la relativeco, pesante sunan radion, plifortigitis la spiritalismon doktrinon pri la dum-materia fantomo, kvazaŭa miniatura nebulozo, plidensigita de la Spirito-Energio. Tiaj valoraj servoj certe meritis ian pli ĵustan rekompencojn ol la fieran kaj malŝatemajn akceptojn de la Kongreso de Warszawa.

Ĉu ni devas kredi, ke la metapsikismo, iuj postnas-kita frato de la spiritalismo, ankoraŭ ne liberigis sin el la vulgaraĵoj antaŭjuĝoj pri soĉajlo kaj satanisimo, kiujn oni zorge konservas en iuj nescentiantaj aŭ fanatikaj medioj kontraŭ ĉiu ajn fenomenon havanta spiritalisman karakteron? Ĉu la metapsikismo mem perdis la memoron pri la famaj kuracistoj de Molière kaj pri iliaj mokiindaj diagnozoj? Se kelkaj adeptoj de la spiritalismo devotiĝis en la trompartifikon kaj en la mistifikismon, ankaŭ en la kuracistaj profesio troviĝas kelkaj ĉarlatanoj. Kion do signifas tiu ĉi soleneĝa ekskomunikado de la septembraj kongresanoj? Ĉu oni ne povas deklari sin spiritalistoj, same kiel astronomoj, aŭ hemisioj, ne estante senprokraste punata per ostracismo, kvankam en efektiveco ekzistas nur vorta malkonsento inter homoj, kiuj postdas egalan sciencan sincerecon kaj egalan eksperimentan sperton? La spiritalistoj parolas pri fenomenoj de legado de pensoj, pri fenomenoj de klarvideo de senkonata movigo, de fantomaj aperoj; la metapsikistoj, limigite pro la ŝancelado de la malnova psikofizologia konstruaĵo, kiun starigis penego iliaj antaŭuloj, nekuraĝigite malkonfesis siajn heredaĵojn, familiajn kaj profesiajn ligilojn, veraj mandarenoj, kiuj prenis sur sin la taskon defendi la estintecon, ŝanĝas la nomon de tiuj ĉi samaj fenomenoj kaj parolas pri telepatio, telekinezo, kriptestezo, ektoplasmoj, Sammaniere en Polujo tute egale, kiel en la flina regno, oni kulturis la arton „savi la ŝajnon“.

J. Thiébaud, ano de la Psika Societo de Nancy.

**Antikveco de l' homa vivo.**

En tiu ĉi gazeto mi legis antaŭ kelka tempo pri la trovo de homa kranio kaj laŭ Prof. Frany Boas de Kolumbia Universitato la troviĝo estas je 500000 jaroj pli ankva ol la famekonata kranio siatempem trovita sur insulo Javo.

Mi volas rilati al la verko de W. Scott-Elliott: „The Lost Lemuria“. En tiu libro la aŭtoro diras: „La Suda Maro estis iam granda kontinento“ kaj la multaj insuloj nun disigitaj estis frue la pli altaj suproj ke la montoj sur tiu kontinento. La Hinda Oceano formis kontinenton, kiu disvastiĝis de la Suda insulo laŭlonge de la suda parto de Azio ĝis la suda bordo de Afriko.“ Patagonio estis parto de granda insulo okcidente de tiu kontinento, tiel kiel montras la kartoj geografia, eldonita al la nomita libro.

S-o Sclater, anglo, nomis la kontinenton Lemurio, rilate la similosimilajn bestojn, kiuj loĝis en ĝi.

Haeckel opiniis, ke tiu estis la naskiĝejo de homraso. Tiu kontinento ŝajnis ekzistii de la frua permiaj tempoj (la supra parto de la paleozoica serio) ĝis la fino de la miocena epoko (Prof. Huxley), sed la disfalo de Lemurio okazis antaŭ la komenco de la eocena epoko. Ne estas eble konstati la aĝon de Lemurio, sed kiam ni komparas Lemurion kun Atlantiso, ni povas akiri ioman imagon pri la aĝo de tiu kontinento. En la verko de sama aŭtoro: „The Story of Atlantis“ ni trovas, ke la unua detruo de tiu ĉi kontinento okazis en miocena epoko antaŭ proksimume 800000 jaroj.



kostumoj de la cetera publiko aŭ duone nuda, kaj kiu samtempe volas propagandi per Esperanto, certe ridindigas nian movadon.

Ekzemple, okaze de la XII-a Germ. Esp. Kongreso, dum la ekskurso al Bad Elster, oni vidis sinjoron en tia stranga kostumo. Li staris meze sur la placo antaŭ la kuracpalaco, svingante grandan verdan flagon. Certe li opiniis, ke per tio li faras efikan propagandon por Esperanto ĉe la bangastoj. Sed male. Kiel mi aŭdis de diversaj flankoj, tiu ĉi entuziasmo sukcesis nur detimigi la interesulojn de nia serioza afero.

Mi ne intencas malpermesi al kiu ajn la portadon de sia speciala kostumo, tute ne. Oni portu ĝin, kie oni volas, sed ne dum kongreso aŭ propaganda aranĝaĵo, per kiu ni volas gajni la publikon por nia afero.

Esperanto estas Esperanto, kaj laŭnaturo kostumado estas alia afero. Propagandu vian laŭnaturan kostumadon ĉe esperantistoj, se vi volas, kaj propagandu Esperanton ĉe la naturhomoj, — sed ne provu propagandi dum esp. kongreso samtempe Esperanton kaj laŭnaturan kostumadon: per tio vi nur ridindigas — ĉe la homoj de hodiaŭa civilizacio — nian aferon.

H. G.

## Socia vivo.

### La plej granda negro-kunveno en la historio de l' mondo.

Sub tiu ĉi titolo raportas la gvidanta organo por la interesoj de la nigra raso, la 3-lingva gazeto „Negro World“ en New York pri granda kunveno de negroj, kiu okazos la 1-a aŭgusto 1924 en la „Liberty Hall“ en New York. Ĝi celas decidi pri la sorto de preskaŭ 400 milionoj da negroj sur tuta terglobo. Ĉiuj samrasanoj estas invitataj partopreni al la fondo de „Politika Unio de Negroj por la Defendo de la Rasorajtoj“. Specialan intereson la unio dediĉas al la „nigra terpario“ kaj pledas por la reproprio al la negroj. Por la komenco ĝi akcelas la koloniigadon de nure negraj ŝtatoj kiel Liberio kaj Abisenio.

La organizo de negroj sendas specialan ŝipon por koloniistoj al Liberio kaj starigis fundon por la propagando de la negroceloj.

La ĝenerala alvoko enhavas la rimarkindan alvokon pri justa konsidero de la rajtoj de blankaj, flavaj, ruĝaj kaj kompreneble de nigraj homoj. Car ĝi krome enhavas kelkajn aliajn tre larĝvidajn punktojn, ni represas ĝin tie ĉi.

### Skizo de programo por granda konklando.

#### Religio.

1. Diskuto pri la diĝo de Jesuo kiel ano de nigra raso.
2. Sanktigo de la Virgulino Maria, kiel negrino.
3. Ideigo de Dio kiel Sankta Spirito sen materia formo.

#### Politiko.

1. Diskuto pri formado de Politika Negra Unio.
2. La edukado de negroj en komuneco, kie la negroj formas plimulton de la loĝantaro, por atingi la respondecon pri memregado.
3. Traktado kun la blankaj nacioj kaj kun la Ligo de Nacioj por amika justigo de la nigra raso kaj por rearango de la sistemoj sub kiuj negroj estas regataj.
4. Prezentado de petico de 4 milionoj da amerikaj negroj la 6. 8. al Lia Eksceleso la Prezidanto de Usono por konsidero de la deziroj paceme konstrui propran landon en hejmlanda Afriko.
5. Prezentado de simila petico al la Senato kaj la Ĉambro de Depulitoj por la proksima kunveno.
6. Prezentado de simila petico de 4 milionoj da okcidenthindaj negroj en la brita insularo al Lia Majesta moŝto Reĝo George V., al la parlamento kaj la Ĉambro de Lordoj de Grand-Britujo.

#### Industrio.

1. Diskuto pri la disvolvigo de Liberio, Abisenio kaj Haitio kiel sendependaj nacioj kaj aliaj landoj, kie negroj formas plimulton de la popolo, ekzemple Jamaiko, Barbado Brita Gujano, Brita Honduraso kaj aliaj insuloj de Okcidenta Hindujo kaj Afriko.
2. Vojoj kaj rimedoj por konformigo de la rasoproblemo de l' sudŝtatoj de U-ono, kontentiganta ĉiujn konsiderojn.
3. Vojoj kaj rimedoj por korekta edukado de la blanka opinio publika rilate al la bezonoj kaj deziroj de la nigra raso.

#### Socio.

1. Diskuto pri la edukado de nigra raso por la reala percepto de la socio, kaj starigo de principoj, kiuj gvidu ĉiujn kiel deiras atingi socian malsamecon.
2. Kreo de atmosfero de pureco por la juna generacio de la raso por prepari ĝin por pli alta socia vivo.

#### Komerco.

1. Diskuto pri la akceptigo de ĉiuj negraj komunecoj en la komerco kaj en komercaj rilatoj.
2. Starigo de interŝanĝaj komercopreparoj.
3. Akcelado de l' iraliko de kaj inter ĉiuj negroj de komerca kaj industria profesioj.

#### Edukado.

1. Diskuto pri la formado de eduka leĝaro speciale por negroj.
2. Cenzurado de ĉiu literaturo enigita en la manojn de negroj.
3. Edukado de la raso al elektemo en la legado de literaturo enmanigita al ili.
4. Starigo de sendependaj negraj literaturo kaj kulturo.

#### Propagando.

1. Malpermeso de ĉiu fremda propagando kun la celo de l' detruo de la idealoj kaj la ensklavigo de la nigra spirito.
2. La disvastigo de edukado super la raso por akcelado de ĝiaj propraj idealoj.

#### Konstitucio.

1. Propono de l' konstitucio de Universala Negra Asocio por Pliperfektigado kiel necesa fondajo.
2. Diskuto pri la jara agado de tiu ĉi asocio.

#### Humaneco.

1. Diskuto pri la starigo de pli firma kamarada ligado inter la blanka kaj nigra raso de la mondo.
2. Diskuto senantaŭjuĝa pri la celoj kaj agadoj de Ku Klux Klan.
3. Diskuto pri la interasaj problemoj de la blanka raso kaj ilia influo al la negro.
4. Diskuto pri la programo de blanka Kanado, blanka Ameriko, blanka Eŭropo kaj blanka Aŭstralio tiel, kiel anonciite de blankaj gazetistoj.
5. Diskuto pri la sincereco de la Ligo de Nacioj kiel arbitracia insitucio por la problemoj de la mondo.
6. Diskuto pri la franca polico kontraŭ la negroj.
7. " " " " " angla.
8. " " " " " amerika.
9. Diskuto pri la partopreno de negroj al la militado de 1914—18.
10. Diskuto pri la nova germana demando por redono de certaj kolonioj en Afriko, rabiatj de la indigenoj kaj forprenitaj al la germanoj dum la lasta milito.
11. Diskuto pri la honesteco de l' diplomatio en la rilatoj kun la landoj liberigitaj kaj la rajtoj de la malplimultoj.
12. Diskuto pri la forsendo de alvokoj al Lia Sankteco la Papo de Romo, al lia moŝto la Arkepisopo de Canterbury kaj al la ĉefoj de la amerika eklezio, ĉiuj kristanaj gazetistoj por honesta kaj homama pritraktado de l' problemoj de humaneco, speciale tiam, kiom ili rilatas al la negroj.
13. Alvoko al la reĝoj de Anglujo, Italujo, Hispanujo kaj Belgujo kaj iliaj parlamentoj por justa konsidero de negroj en Afriko kaj la kolonioj.
14. Alvoko al la parlamentoj de Anglujo, Francujo, Portugalujo ktp. por justa konsidero de negroj en Afriko, Ameriko kaj la kolonioj.
15. Diskuto pri la sintendado de negroj en venonta milito.
16. Diskuto pri la petico de helokrio de l' negraj popoloj de la mondo al la Ligo de Nacioj pri certaj mandatoj en Afriko ne jam aplikata de fremdaj popoloj al la negroj.

Nigraj samideantoj kaj interesatoj povas havigi al si detalojn pri la granda kunveno de High Commissioner General Office of Universal Negro Improvement Association, 54—65 West 135 th Street, New York City.

## Pacifismo.

Unu el la unuaj gvidintoj de la pacifistoj-esperantistoj s-ino Isbrücker en Hago dissendas la sekvantajn alvokojn:

### Sepjara agado kontraŭ la milito!

Laŭ iniciato de anglo loĝanta en Genève sinjoro G. Spiller, nova energia movado komenciĝis kontraŭ la milito. Car s-o Spiller ne estas esperantisto, kvankam ano de nia idejo (li invitis D-on Zamenhof al la Raso-Kongreso en London, kiun li organizis) li peis s-on D-on Privat kaj min klarigi, se eble transpreni lian planon por la esperantistoj. La projekto estas bonega, kaj ŝajnas al mi, ke la esperantistoj-pacifistoj plene povas aprobi ĝin:

En kelkaj angle redaktitaj folioj li skribas jene:

„Vi scias, ke sen intensa laboro de la pacifistoj eksplodus dua mondmilito. Vi scias, ke la lasta milito ruinigis tiel multajn homajn vivojn kaj valorojn kiel la antaŭlastaj cent militoj kune! Vi plie scias, ke nova mondmilito estos ankoraŭ multe pli ruiniga kaj detruos nian civilizadon dum jarcentoj. Fine vi scias, ke post dua mondmilito simple venos tria, kiu rekondukos la mondon al barbarismo.“

#### Kion fari?

Ĉu ni devas resti senlaboremaj kaj devas malkuraĝe atendi la venontan katastrofon? Milfoje ne! La danĝera situacio postulas ĉiujn niajn fortojn.

Estas urĝe necese, ke ni kunigu ĉiujn laborantojn, ke ni batalas en unu forta ligo. Sepjara energia agado de koncentrigitaj fortoj multe pli efikas ol longdaŭra laboro de memstaraj individuoj aŭ unuigoj jen en unu lando, jen en alia.

Homoj de kiuj ajn partioj aŭ klasoj, vi ĉiuj estas minacataj!

### Nur tutmonda, komuna agado povas forigi la danĝeron.

S-o Spiller plie montras la metodon, laŭ kiu ni povas atingi la celon. Li atendas multe de ŝanĝita, plibonigita Ligo de Nacioj. Li volas vekti la publikan opinionon, tiamaniere, ke ankaŭ la parlamentoj kunlaboros por konservi pacon kaj fari justecon.

En la julia numero de „Esperanto“ mi jam verkis artikolon pri la sama agado. Legu ankaŭ ĝin, pensu pri ĝi, tiel ke ni povos preparoloti ĉion en nia Wien'a kunveno. Ni ne plu laboru dise kaj sencele, ni unuigu por efika laboro! Ni ŝuldas tion al la junularo, al kiu ni alie lasos ruinigitan mondon.

Julia Isbrücker, s'Gravenhage.

## Geografio.

### La popolo de Madagaskaro.

Nur tre malmultaj eŭropanoj scias detalojn pri madagaskara loĝantaro. En tiu ĉi franca kolonio loĝas nur 15000 blankhaŭtuloj. Entute la loĝantaro ĉirkaŭas 35 milionojn da homoj. Nia popolo estas nomata: malgaŝoj. Ĝi konsistas el indigenoj, negridaj sakalavoj kaj el negroj intermiksitaj kun hovaĵoj de malaja deveno. La malgaŝoj ĝenerale estas kristanoj. Inteligentuloj estas okupitaj en koloni-entreprenoj, lernejoj, preĝejoj, administracioj ktp. Ankaŭ Esperanto disvastiĝas iom post iom inter miaj samrasanoj.

John Razafimahozo, Taivae.

## Historio.

### La centjaro de la gasa lumo en Paris.

La 28 septembro 1799 franco Philippe Lebon ricevis patenton pri gasa lumo, nomata tiam „termolampo“. Tiam la gasa lumo estis eligata el ligno, sed la eltrovinto jam precizigis en sia patento ke ĝi povas esti ekstraktita el karbo. Ĉu Lebon estis la unua eltrovinto de la gaso estas malfacile diri: anglo Murdoch kaj belgo Minckelers samtempe laboris kaj kreis gaslumon. En domo en strajo Saint-Dominique-Saint-Germain, li faris la demonstradon de la gaslumo al mirigita Paris-a publiko. Oni parolis pri miraklo kaj la konsulo Napoleono interesiĝis pri la eltrovo de Lebon, me fiell pro la gaslumo, sed por diversaj ĝiaj sub-materioj kiujn li bezonis por la armeo. La 2 decembro 1804, la tagon mem de la kronigo de Napoleono, oni trovis sur „l'avenue des Champs-Elysees“, tiam ankoraŭ danĝera loko, la kadavron de Lebon kun 13 ponardaj vundoj. La mistero neniam estas klarigita.

En 1811, la vidvino de Lebon ricevis de l' Imperiestro-pension, sed la laŭleĝa datiro de l' patento ĉesis en 1814. Frederic Albert Winsor, anglo de germana deveno, jam instalinte gaslumon en la Londona City, venis al Paris, kaj en Januaro 1817, por la unua fojo, la magazenoj de „Passage des Panoramas“ ekrilis de gasa lumo. En 1818 la unua kompanio de gaslumo estis starigata kaj kvin aliaj fondiĝis. Nur en 1860 okazis alcentrigo de la gaslumo en la ĉefurbo kaj la kunfandiĝo de diversaj kompanioj. En la Opera teatro la unuan fojon gaslumo aperis la 6 februaro 1822, kiam: „oni ludis (miriga hazardo) unuafoje „La mirindan lampon“. La lustro havis 108 bruligilojn kaj eligis grandan varmecon. Kiel ĉiu novaĵo, ĝi elvokis protestojn kaj malaprobajn: la verkisto Charles Nodier anoncas la estontan morton de urboj kaj la sufokigon de homoj, teatraj fervoruloj kontraŭbatalas kaj, finfine, la Scienco Akademio, tranĉviligas la rutinulojn, certigante ke la gaslumo ne estas danĝera. Tamen la batalo daŭras kaj kelkajn gassocietoj estas pagkapablaj.

La 20 aŭgusto 1824 aperas la unua reĝa ordono pri la gasindustrio. Antaŭ cent jaroj estis en Paris nur 69 gaslantoj anstataŭ 12 672 nun. En la nokto de 31 decembro 1829 al 1 januaro 1830 estis inaŭgurita la gaslumo de la strato „rue de la Paix“, kie troviĝas ĉefaj modlaborejoj de Paris.

(Laŭ artikolo de G. M. en „Le Temps“.)

L. A., Paris.

## Literaturo.

### Fama biblioteko transmigris al Jerusalem.

La Londona Komitato por la Hebrea Universitato en Jerusalem akiris la grandan orientan bibliotekon de la mortinta budapeŝta profesoro Ignaz Goldziher kaj en la lastaj tagoj februaraj la biblioteko estas ekspedita trans Trieste al Palestino. Post kelkmonata intertraktado la hungara registaro permesis la elmigon de la biblioteko, kiu estas en sia fako unu el la plej famaj. Ĝi estas plej granda privata libraro tiuspeca, konsistante el 6000 verkoj priskribantaj en diversaj (ĉefe orientaj) lingvoj ĉiujn fakojn de la semida scienco. Ĝi enhavas plurajn arabajn, persajn kaj turkajn librojn, da kiuj estis en Eŭropo unusola ekzemplero. El la lasta jarcento ĉiuj konataj aperintaĵoj enestas. Speciala fako estas dediĉita al la moderna araba kaj hebrea sciencoj. Grandan valoron havas multaj marginaj rimarkoj de la mortinta profesoro. — La biblioteko estas destinita por la fondota Hebrea Universitato en Jerusalem, kiu fariĝos tutmonda centro de hebrea scienco. Ankaŭ la araba sciencularo palestina trovos en la kolekto valoran helpen en sia laboro.

L. J., London.

## Mineralogio.

### La ortrovejoj de Tibeto.

Depost la plej antikvaj tempoj Tibeto estas unu el la landoj eksportantaj oron. La tibetanoj interŝanĝe ricevas por sia oro arĝenton kaj aliajn produktadojn. La plej gravaj ortrovejoj de Tibeto kuŝas en la norda dezerto kaj en la regiono inter la tibeta ĉefurbo Lhasa kaj la hina limo. Angla vojaĝanto antaŭ nelonge iramigrante Tibeton faris multajn observojn, pri kiuj raportas Rudolf Hundt en „Leipziger Illustrierte Zeitung“. La tibeta orserĉisto kolektas la orpolvon. Li kredas, ke li forprenante orbulojn ĉesigos la orpolvon, ĉar la orbuloj laŭ la popolopinio produktas la orpolvon. Kiom forta estas ĉi tiu superstiĉo en Tibeto pravas la jena okazintaĵo. La tibeta estraro antaŭ kelkaj jaroj sendis junulon al Anglujo, por ke li tie instruiĝu en la mina scienco kaj la metalurgio. Post sia reveno la ingeniero studis la ortriciĵojn de la lando, konstatas en diversaj regionoj grandegajn oramasojn kaj komencis eligi oron el minajo ĝin enhavanta. Sed apenaŭ li estis komencinta sian laboron, jen la lamaoĵ de la apudaj lokoj ekaperis en la laborejo, malpermesis la daŭrigon de la laboro kaj ordonis, ke la tuta oro produktita estu tuj reportata al la loko, kie ĝi antaŭe estis. La ingeniero sin turnis al la estraro kaj petegis, ke oni ebligu al li la laboraŭdigrigon, ĉar tiamaniere



grandaj riĉaĝoj estas gajneblaj. Oni deklaris, ke minacas malfeliĝo al la lando kaj precipe al la ŝtatreliĝo, se oni eligos la oron el la minoj. La popolo eksciĝis kaj sin kondutis minacanta kontraŭ la orserĉistoj, kaj la estraro devis cedi al la pastroj.

D-o Francke, München.

Zoologio.

Pri sovaĝaj hundoj troveblaj nur en Nederlanda Hindujo.

Unue mi direktos vin, karaj legantoj de ET, al loko kie vivas tre danĝeraj bestoj.

Per la vagonaro ni surrampos la monton „Idjen“ en la regiono Besoeki kaj atingos suprajon nome: „Idjen-Plataŭ“ kuŝanta 1500 m super la marnivelo. (Orienta angulo de Javo.) Ĉi tie oni trovas 3 specojn de sovaĝaj hundoj, la „Vavar“, „Adjak“ kaj „Kikik“.

La Vavar estas la plej granda el ili, tre malgrasa kaj forta (alteco 50 cm). Ili ĉiam iras 30 aŭ 40 ope. La plej rimarkinda belajo estas la plumforma kaj dikhara vosto. Cervo ne povas kuri tiel rapide kiel la Vavar.

La Adjak estas iom pli malgranda ol la Vavar, sed multe pli danĝera. Ĝi nenion timas kaj eĉ atakas plenkreskajn homojn. Kiam ili estas malsataj tiam do ankaŭ la homo estas ilia viktimo.

Des pli stränge estas, se mi komunikas, ke la ĉiekonata forto, nome la figro, estas la viktimo ĉe la renkonto, ĉar plej multfoje la tigro malvenkas en la batalo.

Cu la legantoj povas kompreni ke oni estas tre timema je ĉi tiuj hundoj? Kaj certe oni komprenas, ke ĉiam la loĝantaro portas armilojn.

Fine mi povas preparoli la Kikik troveblan en Banjar (Javo). Ĝi ne estas tiel danĝera por homoj sed precipe por pli grandaj estaĵoj. Imagu tre grandan bovoviron, ĝi estas nomata en Hindujo „Karbouw“ kaj ankoraŭ pli granda ol granda bovo, sed kontraŭ ĝi la Kikik ŝajnas formiko.

Kvankam la Kikik estas komparebla je rato, ĝi-havas pli altajn kruojn, pro kio ĝi apartenas al la hundo-raso.

Ĝia koloro estas ordinaro bruna. Se ili elliras, tiam ili aperas 400 aŭ 500 ope. Tiam ili ĉirkaŭas la beston „Karbouw“, kaj ĝi ne plu kuraĝas forkuri pro timo, kaj post kelkaj minutoj kelkaj el ili suprengrampas kaj mortigas la „Karbouw“ laŭ speciala metodo.

Gian viandon ili ne manĝas. J. T. Kaptein, Soerabaja (Javo).

Tekniko.

Silenta dinamito

estas la nomo de nove eltrovita angla maŝino. Ĝi baziĝas sur la propraĉo de akvo, ke ĝi pli-grandigas sian volumen solidiĝante je glacio. Rimarkinde estas, ke la antikvaj egiptoj krevigis ŝtonegojn per simila vojo. Nome ili unue boris aperturon, puŝis en ĝin kojnon el ligno, malsekiĝis ĝin kaj krevigis la ŝtonegon dum momento. J. Major.

Radio.

(Disvastigo en nacilingvaj radio-gazetoj nepre rekomendata!)

Novaj esp. paroladoj en Ameriko.

En julio, aŭgusto kaj septembro s-o Sayers en New York faros denove tri paroladojn pri kaj en Esperanto de la granda stacio NJZ en Newark. Detaloj sekvos ankoraŭ. Aŭskultintoj bonvole skribu pri la aŭdo-rezulto al: Radio-Station NJZ en Newark (N. Y.) Lsono.

Frankfurt a. M.

La unua Esperanto-leciono estas farita. Ĉu vi jam plenumis vian devon, skribante al la stacio. Adreso: s-o direktoro D-o Flesch, Südwestdeutscher Rundfunkdienst A. G., Elbestrasse 50, Frankfurt a. M.

Statistiko.

Pri la aĝo de famaj viroj.

Laŭ interesa kaj antaŭ ne longe farita statistiko atingas preskaŭ duono de ĉiuj mondkonataj viroj la biblian aĝon de 70 jaroj. En ŝtata vivo: Mirabeau 42, Pitt 47, Caesar 55, Richelieu 57, Cromwell 59, Washington 67, Karlo la Granda 71, Frederiko la Granda 74, Disraeli 75, Augustus 76, Bismarck 85, Talleyrand 84, militestroj: Aleksandro la Granda 82, Napoleono 81, Hannibal 85, Themistokles 85, Marius 71, Marlborough 72, Tilly 72, Blücher 76, Bernadotte 80, Wellington 85, Xenophon 86, Moltke 91, scienculoj: Spinoza 44, Descartes 55, Hegel 61, Aristoteles 62, Sokrates 68, Leibniz 70, Linné 70, Copernicus 70, Galilei 78, Kant 79, Plato 82, Newton 84, Humboldt 89, poetoj: Byron 36, Schiller 45, Molière 51, Vergilias 51, Shakespeare 52, Dante 56, Dickens 57, Mickiewicz 57, Horatius 57, Racine 59, Scott 61, Sienkiewicz 65, Milton 65, Cervantes 68,

Aischylos 69, Peirarca 70, Euripides 74, Corneille 78, Victor Hugo 83, Goethe 83, Voltare 84, Sophokles 90, pentristoj: Raffaelo 37, Coreggio 40, Van Dyk 42, Holbein 37, Velasquez 81, Rembrandt 83, Rubens 83, Michel Angelo 89, Tiziano 99, muzikistoj: Schubert 31, Mozart 35, Mendelssohn 38, Chopin 39, Weber 39, Schumann 41, Moniuszko 53, Beethoven 56, Bach 65, Palestrina 70, Spohr 75, Händel 75, Haydn 77, religio-fondintoj: Calvin 54, Mahometo 62, Luther 66, Confucius 71.

Diversaĵoj.

Kosmetikaĵoj de la usonanoj.

F. P. S. La jara konsumo de pudroj, tualet-kremaĵoj kaj diversaj, alispecaj „plibeligaĵoj“ en Usono sumas 750 000 000 dolarojn, alivorte po 15 dolaroj por ĉiu usonano. Alkalkulataj estu ankoraŭ — parfumoj por 63 milionoj da dolaroj kaj tualetsapoj (plej delikataj) por 145 milionoj.

R. Lorentson, Tallinn.

La plej malmultekosta libro en Esperanto Ĉiu devas nepre posedi la libron Eŭropo ĉe la abismo de Francesco Nitti iam ministara prezidanto itala Esperanto-traduko kun speciala antaŭparolo de la eminenta aŭtoro. (Presita 300 paĝoj.) Ju aperis. Prezo 4 sv. fk. Mendu tiu! La libro al privatpersonoj okazos nur post antaŭa pago de la sumo de 4 sv. fk. plus sendokto de 25 c. or-feniĝoj po ekzemplero, pagebila en la valuto de la koncerna lando, transkalkulata je la kurso de la borsjo de Zürich (Revendistoj turnu sin por specialaj kondiĉoj al la eldonisto) Frankfurter Societäts-Druckerei G. m. b. H. Abtlg. Buchverlag - Frankfurt a. M. Korresponden en Esperanto. — Ilustrita kartoj rifuzataj.

NOV afo tre interesa por filatelistoj estas la poŝtmarkoj eldonitaj kaŭze de la VIII-a Tutmonda Poŝtkongreso en Stockholm 1924. Kolekto de 12 valoraj, nestampitaj markoj, 6 sved. kronoj. Plena kolekto de 15 valoroj: 15 sved. kronoj (la tri plej altaj valoroj estas 1, 2 kaj 5 sved. kronoj kaj laŭ alia tipo). Stampitaj markoj haveblaj pli poste escepte la tri plej altaj valoroj. Livero post antaŭpago. H. Halldor, del. de UEA, Fack 698, Stockholm I.

Anoncetoj.

Anoncetoj pri esperantista vivo (naŝikigo, fianĝigo, elziĝo, morto, okazaĵoj gravaj esp. kunvenoj, festoj k. s.) senpage. Aliaj anoncetoj, nur akceptataj por minimume du sinsekvaj enpresoj, kostas po du enpresoj kaj 20 vortoj (krom unu adreso) la prezon de ok ET-numeroj kontraŭ antaŭa pago. Anoncetoj ĉe kiuj ni povas depreni la pagon de la abonkono, ĝuas por propraj anoncetoj preferan prezon de kvin ET-numeroj. Germanoj pagas 2.—mk., hispanoj por poŝtbononantoj 1.25 mk. Anoncetoj devas alveni 12 tagojn antaŭ publikigo.

KOLETKVENDISTOJ ATENTU! Germano deziras vendi ĉirkaŭ 1000 konstitucioj-talerojn 11-a aŭgusto 1919 sume aŭ popeco Prezpropojn al UEA-nomo 18882 Friedrich Gersiner, instruistoj, Karlsruhe-RIEheim Hauptstr. 11, Germanlando. [2]

SAMIDEANOJ TUTMONDAJ HELPU! Por arangii en nia loko esperantan ekspozicion ni bezonas esperantofojn kiujn nin Redakcioj tutmondaj sendu al ni 2 numerojn de ĉiu gazeto, kiujn ni, dezirinte, pagas. Samideanoj, se vi helpas, ni sukcesos. Sendu al: Beverwijka Laborista Esperantista Grupo „Fratico“ Oosumburgstr. 18, Beverwijk ij Haarlem, Holando. [1]

SOMERA RESTADO. — Vidvino de advokato en Buda-pest (Hungario), 36 jara, serĉas inteligentan kaj honestan familion en eksterlando (kondiĉo: bela ĉirkaŭaĵo) kiu ŝin afable akceptus por 4-6 semajnoj kiel gaston. Ĝi plezure rekompencos ĉu per pago, ĉu per reciproka gastigo dum la vintro en Budapeŝt. Ĝi parolas hungare, france, germane kaj angle. Proponojn sendu urĝe al s-ino Serafino Fodor en Deva (Transilvanio, Rumanujo), str. Principele Carol n-o 50. [2]

SAN SEBASTIAN. Angla samideano intencas liberiempo dum 10 tagoj en San Sebastian je la fino de julio, kaj pro tio, ke UEA delegito ne trovigas, petas ke li samideano fiera sendu adreson al kiu li povus peti kelkajn sciigojn. Ĉiun poŝteltezon li volonte pagos H. My, Thomas, 142-a Camberwell Grove, London S. E. 5 Angl. [2]

Korespondoj kaj Interŝanĝoj.

S-o P. Medem (Kaunas, Litovujo) forveluras kaj petas gesamideanojn prokrastis korespondadon ĝis mezo de septembro. [1]

Mi deziras korespondi kun 14-15-jaraj studentoj de mezlernejoj. F-lino Henriette Werner, Wien XVII, Schluhthegasse 3/19, Aŭstrio. [2]

S-o Hugo Banninger, Grossarl (Salzburg), Aŭstrio, deziras korespondi per il. PK kaj L kun la tuta gesamideano. [1]

Korespondantoj el la tuta mondo serĉataj por 100 kursanoj en Vamberk. Pl sendu al s-o O. Sklenčka, Hradec Králové, Ceholovakio. [1]

S-o Paŭlo Egorov, poŝtkesto-64, Taŝken, Turkeŝtano, Rusujo, deziras korespondi kun la tuta mondo. Interŝanĝas ankaŭ esp. gazetojn. Ĉiam respondos. [1]

S-o Gilbert Bruus, rue Bertrand de Balande Perpignan, Francujo, deziras korespondi kaj interŝanĝi PM kun la tuta mondo. [1]

F-lino Paula Nikitin, Kalenčevska pl. I-j Krasnopudni per dnj/2, kv. 7, Moskva, Rusujo, korespondas pri turismo, interŝanĝas fotografadojn. PK il. [2]

Kolegoj geofizikistoj kaj precipe meteorologoj sciigu viajn adresojn kaj komuniku pri stato kaj studado de viaj institucioj al kunlaboranto de regna geofizika instituto en Kùcino, I. Ivanov, Arbat 57, kv. 25, Moskva, Rusujo. [2]

S-o Kurt Bärhel, Buchholz (Sa.), Katharinenstr. 9, III, Germ., deziras korespondi per il. PK kaj L. Precipe Francujo, Sud-kaj Ekster-eŭropo. Certe respondos! [2]

S-o Hinrich Segelken, Embesen 109, Kreis Achim, apud Bremen, Reg. Städt, Prov. Hannover, Germanujo, deziras korespondi per il. PK kaj L kun la tuta mondo. Kolektas fotografadojn de geesperantistoj, pezaĵaj bildoj, Esperanto-Hejmoj, vidajoj de ĉarmaj loĝdometoj, ĝardenloĝ-dometoj. [2]

Esperantistoj-stenografistoj, skribu al mi. Mi estas Gabelberger-Schramm-ano, sed interesigas pri ĉiuj sistemoj. V. Echimier, Praha II-1642 Hálkova 7, Cehoslovakio. [2]

Michel Kossovitj, emigranta el Riga dum 1918, eble Germanujo, estas serĉata de la geparencoj. Ion pri li eksciintojn oni petas skribi al A. E. Rostovskij, Rjeva, Tverskoj gub. Rusujo. [2]

S-o Aleksandro Trahterov anoncas sian novan adreson: Moskva, Rusujo, Spiridonovka 31 ĝis 15; li deziras ricevi al novajn, diversnaciajn ilustritajn porinfanajn aŭ porknabajn ĵurnalojn kaj gazetojn. (Ŝanĝe sendas pk. il., rus. nac. ĵurn. aŭ alion deziratan.) [2]

Alekseo Verŝinin, studento, Siberio, Ĉita. Politeknikum. Ussurijskaja ul. deziras korespondi kun ĉ. landoj pri ĉiuj temoj, ankaŭ skoliismo, per L. PK. Ankaŭ povas interŝ. pm. kaj papermonon. Ĉiam akurate respondos. [2]

Mi deziras korespondi kun la tuta mondo precipe kun ĝejunuloj per il. PK aŭ L. Certe mi respondos Adreso: Wenzel Jäckel bei s-o Zastera en Kriesdorf A. T. E., Cehoslov. [2]

S. N. Anisimov, Engelsstr. 20; ĝis 6 Arhángelsko (Rusujo), rekomencas la interkorespondadon. Li deziras seriozan interkorespondadon preferu kun ekster-eŭropanoj pri la temoj: politika kaj ekonomia situacio, komerco, sporto, esperanta literaturo ktp. Eventuala interŝanĝo per esperantaj gazetoj kaj libroj. [2]

S-o k-d Nicolas Ligočkij, Kromy, Orlovskoĝub. radiostacio, Rusujo, deziras korespondi kun maristoj, radiotelegrafistoj kaj aliaj laboristoj gesamid. ĉ. l. [2]

S-o k-d Gleb Ivanov, Moskva, preŝichisenski bulv. n-o 17, kv. 25, Rusujo, deziras interŝanĝi PK il. kaj korespondi pri historiaj geografiaj demandoj (krom Germanujo). [2]

Libristo kaj bibliofilo deziras korespondi pri teorio kaj praktiko de librarto. Preferas eldonojn por popolo. Mi respondas nur al seriozuloj. S-o E. P. Sokolov, Soslanka 12, Dvorec Truda, Kmn. N. 520, Moskva, Rusujo. [2]

S-o Ernest Kornišen, Kam-Kol. val., n-o 554, Moskva, Rusujo, deziras korespondi kun radiolaboristoj. Tuj respondos. [2]

F-lino deziras korespondi kun ges-oj ĉiulandaj per L. PK. Ĉiam respondos. Al M. Leontenkov, Jurevska 17-16, Nijni-Novgorod, Rusujo. [2]

S-o A. Niŝcenkov, poŝtkesto 679, Moskva, Rusujo, deziras korespondi esperante, germane, angle, kaj france pri laborista socialista movado k. ĉ. l. per L. kaj PK. Interŝanĝas PM. [2]

S-o Bazilo Averin, poŝtkesto 14, Astrahan, Rusujo, filatelie regna bileto n-o 165, deziras interŝanĝi PM kun ĉiuj landoj. Al ofertoj mi ne respondas. [2]

S-ino Olga Sariočeva, Kanava 111, Astrahan, Rusujo, deziras korespondi pri infanedukado kaj aliaj seriozaj temoj. il. PK L. [2]

S-o Sariočev, Kanava 111, Astrahan, Rusujo, deziras korespondi pri librotendado, hipnotismo kaj politiko. [2]

25 jara bankoficisto sciopovanta lingvinjo esperanta, italan, francan, germanan, kaj hungaran serĉas ian okupadon eksterlande. Ankaŭ korespondas kun ĉiuj landoj. Julio Peteri, Istvan-ŝ. 6, Budapeŝt VII, Hungario. [2]

Pensiono Erika

Tschirtschen b. Chur, Svislando (1350 m super maro)

Ĉarma loko por libertempuloj, alpa regiono, montekskursoj, bonega kuiraro. Prezo de kompleta pensiono 8 sv. fk. Prospektoj en Esperanto petu de l' posedanto. ---

Jak. Wiesner.

